



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ Ո Ւ Մ**

6 փետրվարի 2018 թվականի №25Լ  
ք.Երևան

**ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԻ ԿԱՐԳԱՎՈՐՎՈՂ ՈԼՈՐՏՈՒՄ ՍՊԱՌՈՂՆԵՐԻ  
ՇԱՀԵՐԸ ՊԱՇՏՊԱՆՈՂ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻՆ  
ԳՈՒՄԱՐԻ ՏՐԱՄԱԴՐՈՒՄ ԱՊԱՀՈՎԵԼՈՒ ՄԱՍԻՆ**

Հիմք ընդունելով «Հանրային ծառայությունները կարգավորող մարմնի մասին» Հայաստանի Հանրապետության օրենքի 16-րդ հոդվածի 5-րդ մասը և հաշվի առնելով Հայաստանի Հանրապետության կառավարության 2017 թվականի դեկտեմբերի 21-ի №1721Ն որոշման 3-րդ կետը՝ Հայաստանի Հանրապետության հանրային ծառայությունները կարգավորող հանձնաժողովը (այսուհետ՝ Հանձնաժողով) **որոշում է.**

1. Սահմանել, որ Հայաստանի Հանրապետության էներգետիկ ենթակառուցվածքների և բնական պաշարների նախարարության կողմից Հայաստանի Հանրապետության կառավարության 2017 թվականի դեկտեմբերի 21-ի №1721Ն որոշման համաձայն ընտրված հանրային ծառայությունների կարգավորվող ոլորտում սպառողների շահերը պաշտպանող հասարակական կազմակերպություններին (այսուհետ՝ կազմակերպություն) Հանձնաժողովի տարեկան բյուջեի մեկ տոկոսի չափով հաշվարկված գումարը (այսուհետ՝ գումար) տրամադրելու նպատակով Հանձնաժողովի համար բացված համապատասխան գանձապետական հաշվին գումարի փոխանցումն ապահովվում է մինչև յուրաքանչյուր եռամսյակի առաջին ամսվա 15-ը, բացառությամբ 2018 թվականի 1-ին եռամսյակի համար նախատեսված գումարի, որը փոխանցվում է մինչև 2018 թվականի առաջին եռամսյակի վերջին ամսվա 15-ը:

2. Սույն որոշման 1-ին կետում նշված գանձապետական հաշվից կազմակերպություններին գումարի տրամադրման իրավասությունը Հանձնաժողովը վերապահում է Հայաստանի Հանրապետության էներգետիկ ենթակառուցվածքների և բնական պաշարների նախարարությանը:

3. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ**



**Ռ.ՆԱԶԱՐՅԱՆ**

ք.Երևան  
6 փետրվարի 2018թ.  
Ժամը 16<sup>00</sup>